

Sier Vettor Grimani, qu. sier Hironimo fo dil Serenissimo.
 Sier Zuan da Leze di sier Michiel.
 † Sier Lunardo Mocenigo fo dil Serenissimo.
 non Sier Francesco di Prioli, qu. sier Zuan Francesco.
 non Sier Andrea Lion, qu. sier Alvise,
 non Sier Antonio Capelo, qu. sier Batista.
 non Sier Zuan Pixani, qu. sier Alvise procurator.

Procuratori de Citra.

Sier Lorenzo Justinian, qu. sier Antonio.
 † Sier Vincenzo Grimani, di sier Francesco.
 Sier Gasparo da Molin, di sier Thomà.
 † Sier Antonio di Prioli qu. sier Marco.
 Sier Andrea Gussoni qu. sier Nicolò.
 Sier Hironimo Zen, qu. sier Simon.
 † Sier Andrea Justinian, qu. sier Onfrè.
 Sier Francesco Mocenigo, qu. sier Piero.
 non Sier Luca Trun, qu. sier Antonio.
 non Sier Marco da Molin, qu. sier Alvise procurator.
 non Sier Antonio Mocenigo, di sier Alvise el cavalier.

Procuratori di Ultra.

† Sier Polo Capello el cavalier, qu. sier Vettor.
 † Sier Domenego Trivixan el cavalier, qu. sier Zacaria.
 Sier Piero Marzello qu. sier Alvise.
 † Sier Hironimo Justinian, qu. sier Antonio.
 Sier Lorenzo Pasqualigo, qu. sier Filippo.
 non Sier Carlo Morexini, qu. sier Batista.

Nota. Questo non provar di Procuratori debitori, et *maxime* di sier Luca Trun che heri si provò, dete molto che dir al Conseio, et li Cai di X volevano si provasse tutti; ma li Consieri terminò, atento una parte vuol che chi è debitori di la Signoria, a Gran Conseio non si pruovi, e questo fato, a requisition di sier Antonio di Prioli aziò l'intrasse, non volseno provarli, *licet* mò un anno non fo vardà debitori etc.

3* Fo cavà Cao di XL di sora, in luogo di sier Almorò Lombardo, intra da matina Auditor Vechio, sier Gabriel Valaresso qu. sier Francesco, stato altre fiata, el qual introe la matina seguente.

Non voglio restar di scrivere cosa notanda. Hozì rimase Extraordinario sier Bartolomeo Moro,

fo camerlengo di Comun, qu. sier Francesco, et l'altro heri, di la Zonta, sier Zuan Emo, fo podestà a Verona, qu. sier Zorzi procurator. Tutti do, essendo io in Pregadi, fu condanà per furanti, et stridavase la prima domenega di quaresima; fono asolti. L'Emo rimase per piegerie e dar danari, et hozi il Moro rimase per povertà, sichè faza ben, faza mal, in cao di cinque anni semo egual.

A dì 3, la matina. Non fo lettera alcuna da conto.

Introe Cao di XL di sora sier Gabriel Valaresso in loco di sier Almorò Lombardo intrò Auditor Vechio.

Vene l'orator di Fiorenza, dicendo haver auto licentia di soi Signori di repatriar, et che veria un'altra fiata et saria sempre servitor di questo Stado. Dimandò, alcuni zoveni fiorentini venuti a habitar in questa terra, per esser in dubito, potesseno portar arme. Il Serenissimo li disse, bisognava li Cai di X metesse la parte nel Conseio di X, et cussì ditto orator andò a li Capi a richiederla.

Vene l'orator di Franza per saper di novo, nè disse cosa di conto.

Da poi disnar, fo Conseio di X semplice, e comandà il Collegio et la Zonta; fo prima, iusta il solito leto el suo capitolar, fato cassier per mesi . . . sier Pandolfo Morexini, sora l'artellarie sier Domenego Capello qu. sier Carlo, sora la Zeca sier Nicolò Venier, qual si dice vol far tornar il ducato e monede al suo iusto precio, perochè el venetian val lire 7 soldi 12, ongaro lire 7 soldi 4, il Mocenigo soldi 24, il Marcello soldi 12. Quel sarà noterò poi. *Item*, fati do revedadori de le casse, sier Andrea Trivixan el cavalier et sier Gasparo Contarini, che nulla faranno, per non esser apti niun di loro a veder conti nè libri.

Item, con il Collegio fu parlà zerca la cosa di heri, di non provar sier Luca Trun procurator, et voleano li Cai di X taiar quella eletion, atento la parte dice da esser li Procuratori balolà come si feva nel Conseio di X in Gran Conseio, et atento non si vardava debitori, *ex consequenti* non si doveva vardar a Gran Conseio, ma bisognava cazar li 6 Consieri, e però del passado nulla fu fatto.

Fu adunca posto, per li Cai di X, che *de coetero* nel far di la Zonta del Conseio di X, nè di Procuratori, non si vardi debitori. Et questa ave 18, che fo tutte le ballote.

Item, messeno di far do proveditori sopra le